



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 726. Usque Ad Annum 813

**Fleury, Claude**

**August. Vind. [u.a.], 1760**

**VD18 90117859**

§.21. Sermo secundus & tertius.

---

[urn:nbn:de:hbz:466:1-66091](https://nbn-resolving.org/urn:nbn:de:hbz:466:1-66091)

S. Paulus, aliud vobis evangelizaret, ac id, quod accepistis. &c. Cetera non addamus, ut nostra lenitate demus eis locum resipiscendi. Si vero, quod Cælum avertat, in errore pertinaciter perseverent, tunc etiam id, quod sequitur, pronunciamus. Nempe Anathema. Ex his verbis conijcere est, hunc Sermonem in lucem editum fuisse statim post vulgatum Leonis Imperatoris Decretum contra Imagines, id est, anno septingentesimo trigesimo, antequam in Palæstinam delatum fuisset, S. Germanum fuisse proscrip- tum, qua de re primum in secundo Ser- mone fit mentio.

## §. XXI.

*Sermo secundus & tertius.*

Sanctus Joannes Damascenus in exor- dio secundi Sermonis profitetur, se teneri, calamo Veritatem defendere, quia Talentum Prædicationis accepisset, id est, mandatum loquendi in Ecclesia, quod indicare videtur, ipsum jam tunc Sacerdotio initiatum fuisse. Subdit, quosdam Ecclesiæ Filios ipsum permovisse, ut hunc secundum Sermonem scriberet, quod multi primum non satis ca-  
 F 4 perent.

cessores rejecerunt, & hanc Potestatem Princi- pibus Christus non concessit; nec eam unquam exercuerunt.

Sæcul. VIII.  
 A. C. 732.



Sæcul. VIII. A. C. 732. perent. Adnotat diversas fraudes & artes Dæmonis, quibus ad seducendos homines utitur, Atheismum, Idololatriam, Hæreses. *Hodie, inquit, ille ipse Impostor, qui olim non Gentiles modo, sed etiam Israelitas, indignum! ad adoranda brutorum simulacra impulit, aliam formam induit ad turbandam Ecclesiæ pacem; nam surrexerunt aliqui dicentes, prodigia, quæ JESUS Christus propter Salutem nostram operatus est, & pugnas Sanctorum adversus Dæmonem, in imaginibus, quas admiremur, honoremus, & imitemur, nobis non esse proponendas.* Iterum edicit, se contra novi erroris Auctores nolle Anathema pronunciare, quod eorum emendationem expectaret. Eadem argumenta ac in primo Sermone affert, sed ubi explicat Legis verba, quæ Imagines damnare videntur, addit: *Examinanda est scribentis intentio, ut sermonis veritas cognoscatur. Quamvis in Evangelio de tenebris, de Satana, de Inferno mentio occurrat, illud tamen cum Veneratione & adoratione conveniente recipimus, sed cum horrore rejicimus Libros Manichæorum, aliorumque Hæreticorum, quamvis nomen Dei contineant. Ita etiam quando de Imaginibus sermo est, attendendum, quæ sit loquentis intentio.*



De diversitate utriusque Potestatis, Sæcul. VIII.  
 spiritualis & sæcularis disputat in hunc A. C. 732.  
 modum: *In Ecclesia sua, ait S. Paulus, I. Cor. 12. 28.*  
*Jesus Christus posuit Apostolos, Prophe-*  
*tas, Pastores, & Doctores; non autem*  
*dicit, Imperatores. (\*) Nunquam Re-*  
*ges Dei nomine vobis locuti sunt, sed A-*  
*postoli & Prophetæ. Imperatorum est*  
*Rempublicam regere, Pastoribus vero at-*  
*que Doctores competit Ecclesiæ præesse.*  
*Vis, quæ hac in re Fidelibus infertur,*  
*latrocinii profecto nomen meretur! Saul*  
*pallium Samuelis dilaceravit, & Regnum*  
*amisit. Jezabel Eliam persecuta est, &*  
*devoraverunt eam canes. Herodes S. Joan-*  
*nem occidit, & vermes Tyranni morien-*  
*tis viscera corroserunt. Hodie in exi-*  
*lium expellitur Beatus Germanus, &*  
*plures alii Patres, quorum nomina igno-*  
*ramus; sane! hæc persecutio nihil dif-*  
*fert a latrocinio. Et postea sermone ad*  
*Imperatorem directo: Obedientiam tibi*  
*præstamus, Auguste! in iis, quæ ad vitam*  
*Civilem spectant, qualia sunt tributa &*  
*pensiones, at in causis Ecclesiasticis Pasto-*  
*res nostros sequimur. Nempe Christiani*  
*in Oriente Imperatores Constantino-*  
*politanos tanquam Principes suos legiti-*

F 5 mos.

(\*) S. Joannes Damascenus egregie refutat  
 Protestantes dicentes, Jura in Sacra Principi Lai-  
 co competere.



Sæcul. VIII. mos habebant, Leges Romanas serva-  
 A.C. 732. bant, & linguam Græcam, qua S. Joannes  
 scripsit.

Deinde subjungit: *Manichæi Evangelium secundum S. Thomam scribere ausi sunt, scribite & vos aliud secundum Leonem Imperatorem. Nescio Cæsarem, si Sacerdotii jura usurpet. Memini Valentem Sacerdotii Officium occupasse, cum Fidem Catholicam persecutus est, quamvis Christiani nomen gereret. Eadem insania fuit Zenonis, Anastasii, Heraclii, Constantini, qui in Sicilia fuit, & Bardanis cognomento Philippici.* Huic Sermoni S. Joannes Damascenus subdit eodem Textus, quos in fine Sermonis primi attulerat, sed etiam quosdam alios S. Chrystomi, S. Ambrosii, S. Maximi & S. Anastasii Antiocheni adjecit.

Sermo tertius pro imaginibus scriptus ferme nihil, quod non in duobus prioribus occurrat, continet, nisi quod major numerus Textuum in fine appositus fuerit.

## §. XXII.

*Epistola S. Bonifacii.*

*vit. Bon. per* Iconoclastis Fidem in Oriente oppugnanti-  
*Vil. c. 8. 4.* bus, eadem in Germania S. Bonifa-  
*Act. Be. p. 19.* cii laboribus strenue propagabatur. Fundatis Monasteriis Fridelariensi & Amnoburgensi, nempe circa annum 732.  
 con-